



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1100. Usque Ad Annum 1143

**Fleury, Claude**

**August. Vind. [u.a.], 1762**

**VD18 90117999**

§. 49. Burdinus Antipapa.

---

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

Sæcul. XII.  
A.C. 1118.

quod volebat, Imperator Gelasio, quem olim cum Paschale Papa captum vinculis constrinxerat. Ergo respondit Papa; se vero mora omni abjecta Ordinationem accepturum esse, tumque ad deliberandum de pace præsto futurum, ubicunque Imperatori commodum videretur. Nec mora, Gelasius in ipsa urbe Cajetana primum Presbyter ordinatur, tumque etiam Episcopus consecratur, præsentibus cunctis, quos memoravi Præsulibus, atque etiam Guilielmo Apuliæ Duce, Roberto Principe Capuæ, & pluribus aliis Principibus, qui omnes Pontifici fidem jurarunt. His sub finem mensis Februarii peractis, Papa tota Quadragesima Cajetæ consumpta, Capuam se contulit, celebraturus Festum Paschale, quod illo anno millesimo centesimo decimo octavo in diem decimam quartam Aprilis incidebat.

§. XLIX.

*Burdinus Antipapa.*

Henricus vero Imperator, Gelasii responso irritatus, ut, quod minatus fuerat, efficeret, alium Papam ei opponere statuit, atque ad hanc provinciam subeundam Archiepiscopum Bracarensem elegit, a quo anno superiore Imperator coronatus fuerat. Erat is Mauriti-  
us Burdinus, in Territorio Lemovicensi



censi natus, unde eum Bernardus Archi-  
 episcopus Toletanus anno millesimo no-  
 nagesimo quinto abductum, ut suo loco  
 retulimus, primo Archidiaconum suum  
 & postmodum Episcopum Coimbricen-  
 sem creavit. Exinde Mauritius sub an-  
 num millesimum centesimum octavum,  
 itinere Jerosolymam suscepto, per urbem  
 Constantinopolim viam direxit, ubi ali-  
 quamdiu commoratus, Principibus, ipsi-  
 que Alexio Imperatori magno in pretio  
 fuit. Annis omnino tribus in illa pere-  
 grinatione consumptis, in Portugalliam  
 redux, Geraldo Archiepiscopo Bracaren-  
 si, ex hac vita ad æternam translato, per  
 electionem, anno millesimo centesimo  
 decimo, subrogatur. Tum Romam pro-  
 ficiscitur, confirmationem translationis  
 suæ ab Episcopatu ad Archiepiscopatum,  
 Palliumque petiturus, ac a Paschale II.  
 Papa, non modicis muneribus sibi con-  
 ciliato, utrumque impetrat. Mauritius  
 Dignitatem Sedis suæ vigore virili tuitus  
 est contra conatus Bernardi Archiepisco-  
 pi Toletani, ipsum Primatui, nuper ei-  
 dem a Paschale Papa collato & confir-  
 mato, subjectum esse volentis, & aucto-  
 ritate Legati Apostolici in Hispania abu-  
 tentis, nam Romam secundo iter susce-  
 pit anno millesimo centesimo, ut præsi-  
 dium Pontificis sibi pararet. Paschalis  
 Bernardo sæpius monito, ne amplius Bra-  
 carensi

Sæcul. XII.  
A.C. 1118.

vit. per Ba-  
luz. tom. 3.  
Miscell. pag.

471.  
Sup. lib.  
LXIV. §.

33.

ep. 4.



Sæcul. XII. carensi Archiepiscopo molestus esset, tan-  
 A.C. 1118. dem denunciavit, se jure Legati in pro-  
 vinciam Bracarensem ipsum exonerare,  
 quo Mauritius jurisdictione sua liberius  
 uti posset.

ap. Baluz.  
 p. 480.

Porro Mauritium, illius negotii cau-  
 sa diutius in Italia commorantem, Pa-  
 schalis Papa, cum viri solertiam singula-  
 rem exploratam haberet, Sacræ Sedis po-  
 testate munivit, de pace acturum cum  
 Henrico Imperatore, quem ipse tanquam  
 Legatus Apostolicus, Papa absente, ut  
 superius narravimus, coronavit. At Pa-  
 pa hac re acriter offensus Mauritium in  
 Concilio Beneventano Fidelium Com-  
 munionem privavit. Mansit ergo Mauri-  
 tius apud Imperatorem, qui acerbe com-  
 motus, quod Joannes Cajetanus sine suo  
 consensu consecrationem præcipitasset,  
 Mauritium accepto nomine Grego-  
 rii VIII. decima quarta Martii, anno  
 millesimo centesimo decimo octavo, Pa-  
 pam eligi curavit.

Gelasio Papæ Cajetæ moranti red-  
 duntur epistolæ, quibus nunciabatur,  
 æmulum ipsi & Adversarium in Papatu  
 creatum fuisse. His acceptis Gelasius  
 ad Clericos & Fideles Galliæ scripsit in  
 hunc modum: *Post electionem nostram  
 Dominus Imperator, furtive Romam ve-  
 niens, nos ad fugiendum compulit. Pacem  
 postea postulavit minas & terrores adhi-  
 bens;*

ep. I.



bens; experturos nos esse, quid Imperator Sæcul. XII.  
 iratus posset, nisi nos pacem juramento A.C. 1118.  
 edito firmavimus. Respondimus, quod in  
 controversia, quæ inter Ecclesiam & Re-  
 gnum esset, sive per amicam transactio-  
 nem, sive in foro contentioso, libenter ac-  
 quiescere vellemus, loco & tempore compe-  
 tenti, Mediolani vel Cremonæ, ad proximi-  
 mum beati Lucae festum, ex sententia Fra-  
 trum nostrorum (hæc verba de Episcopis  
 accipienda esse existimo) quos Deus in  
 Ecclesia Judices constituit. (\*) Tum Ge-  
 lasius Papa prosequitur: Imperator sta-  
 tim, nimirum die post electionem nostram Gregor. VIII,  
 quadragesimo quarto, Mauritium Episco- Antipapa.  
 pum Bracarensem, anno præterito in Con-  
 cilio Beneventi a Paschali Papa excommu-  
 nicatum, in Sacram Matris nostræ Eccle-  
 siæ Sedem intravit, virum, qui cum a no-  
 stris manibus olim Pallium accepisset, ei-  
 dem Papæ & ejus Successoribus, quorum  
 ego primus sum, fidelitatem juravit. In  
 tanto facinore Imperator, Deo sint infini-  
 ta gratiæ! nullum ex Romanis Clericis  
 socium habuit, sed solos Guibertinos, Ro-  
 manum

(\*) Et sine quibus, subjungit Pontifex in  
 Actis Conc. Edit. Harduini, hæc causa tractari  
 non potest. Hæc Summi Pontificis verba sunt  
 notatu dignissima, præsertim illis, qui in Regi-  
 mine Ecclesiæ omnia soli Pontifici, & nihil Epi-  
 scopis tribuendum esse putant.



Sæcul. XII. *manum de Sancto Marcello, Cencium de*  
A.C. 1118. *S. Chryfogono, & Teutzonem, qui mul-*  
*to per Daniam tempore debachatus est.*  
*Igitur vobis mandamus, ut postquam com-*  
*muni consilio hac de re deliberaveritis, ad*  
*Matris Ecclesiæ ultionem accingamini.*

*ep. 2. & alia* Tum etiam Gelasius Papa datis ad Ber-  
*p. Roderic.* nardum Archiepiscopum Toletanum,  
 ceterosque Episcopos Hispaniæ literis,  
 alium Archiepiscopum Bracarensem, re-  
 jecto Mauritio, eligi jussit. Tandem Cle-  
 ricis Populoque Romano scripsit; Mau-  
 ritium excommunicatum devitarent, &  
 in Concilio Capuæ celebrato Imperato-  
 rem cum Antipapa suo excommunicatio-  
 nis fulmine feriit.

to. 10. Conc.

Interim Mauritius Burdinus Romæ  
 agebat, ubi reliquo hujus anni tempore  
 permansit, & in Festo Pentecostes pro-  
 munere Romani Pontificis Henricum Im-  
 peratorem coronavit, qui haud diu post  
 Liguriam, atque inde Germaniam repe-  
 tit. Burdinum vero, missis quaquaver-  
 sus Bullis, nomen Gregorii VIII. (\*) Pon-  
 tificis Maximi jactantem, in non nullis  
 locis Fideles præsertim in Germania, ac  
 inter

(\*) Hic secundo ab hoc Burdino coronatur  
 (nempe coronatione minus solemni) Henricus V.  
 Imperator. Primo enim Romæ in Festo Resur-  
 rectionis Domini ab eodem Burdino seu Mauri-  
 tio



ac inter alios Hermannus Episcopus Au-<sup>Sæcul. XII,</sup>  
gustanus, & aliqui in Anglia recipiebant, <sup>A.C. 1117.</sup>  
& contra Gelasium Antipapam putabant.  
At Francia & maxima orbis Christiani  
pars Gelasium Pontificem legitimum ve-  
nerabatur.

§. L.

*Gelasius Romæ.*

Gelasius, ubi Imperatorem recessisse  
comperit, Romam clam ingressus, *Landulf.*  
in parva Ecclesia, quæ ad S. Mariam *se. n. 12.*  
*cundi cerei* dicebatur, inter ædes Step-  
hani, Pandulphi Normanni, & Petri Lodro-  
nii, Pontificis Defensorum, posita, deli-  
tuit. In Festo S. Praxedis, vigesima pri-  
ma Julii, in ejusdem S. Virginis Ecclesia  
officium celebrare statuit, id suadente De-  
siderio Cardinale ad hunc Titulum ordi-  
nato, rejecto consilio plurium aliorum,  
prudenter monentium, hanc Ecclesiam  
intra arces & munimenta Frangipanum  
sitam esse. Necdum completa erant So-  
lemnia, cum adsunt Frangipanes, pedi-  
tum equitumque agmine stipati, Papam  
Clericosque lapidibus & saxis insectan-  
tur.

tio Archiepiscopo Bracarenfi, Clericis Romanis  
& Papa Paschale II. id recusantibus coronatus fue-  
rat, anno millesimo centesimo decimo septimo.  
Sup. Lib. LXVI. §. XLI.

*Hist. Eccles. Tom. XVI.*

B b